

興京縣志

第三冊

興京縣志第五卷教育

目次

學宮

孔廟位次

祀孔禮序

祀關岳禮序

教育概況

書院

宣講所

教育會

教育局

捐資興學事蹟表

縣立圖書館附報館分社

孔學會興京縣分會

職業學校

街市學校狀況

興京縣立師中學校

童子團

興京縣立女子師中學校

奉天省婦女會興京縣分會

興京縣全境縣立兩級學校一覽表

興京縣全境村立初級小學校一覽表

興京縣私立學校一覽表

興京縣外僑學校一覽表

興京縣民衆學校一覽表

高級中學以上學校畢業姓名表

萬國道德會興京縣分會

萬國商會與京商公會

滿洲中學以上學校畢業生各表

興京縣立中學第一覽表

興京縣立中學第二覽表

興京縣立中學第三覽表

興京縣立中學第四覽表

興京縣立中學第五覽表

教育

古者家有塾黨有庠州有序各萃其子弟而教焉蓋無人不學無地而不設學以教之也人生八歲入小學教以灑掃應對進退之節禮樂射御書數之文十五歲入大學則教以誠正修齊治平之道故君之於學也藏修息遊無不在焉自科舉廢選舉興而學制變更論者遂謂古以德行取士而士心正今以文藝取士而士習壞其弊固然抑知何代不生才何才不資世成周人才出於學戰國人才出於客漢之人才出於吏唐之人才出於科舉固不能一概論也要以才德俱備品學兼優爲教人之標準其失鮮矣志教育

興京爲有清發祥之地山川秀蔚人文聰美原建文廟於老城規模
宏壯彝器齊備光緒年間被俄兵焚燬嗣後春秋丁祀大典僅至縣
立中學校大成殿舉行設備簡陋諸多缺如莘莘學子未瞻禮器濟
濟多士遐想宮牆對於倡興文化崇尚禮俗殊覺遺憾故建築文廟
誠當今之急務也此後共策進行早日恢復聖廟舊日之莊嚴將見
宮殿巍巍芹藻輝映以彰我縣尊孔之盛典發揚至聖之弘道樹千
百年之大計豈不懿歟

古者奉官學教民以禮義而後入小學教以六藝訓導童蒙之術

學宮

興京文廟原在老城東南隅廟之前極爲櫺星門

考宋禮志天聖六年築南郊置櫺星門至南宋理宗景定間始移用於孔

廟蓋以尊天者尊聖也又龍魚河圖云天鎮星主得土之慶其精下爲櫺星之神文廟前之櫺星門蓋取得土之義

次爲泮橋

昔時士子入座稱之曰入泮又名采芹詩云思樂泮水言采其芹即此意也

次爲先

儒之東西廡各三間又先賢之東西廡各三間再次爲大成殿三間

入後爲崇聖祠三間自光緒三十一年燬於兵燹嗣後每年丁祭均

在中學院內舉行及祀關岳則在縣街西首關岳廟中舉行一切典

禮悉遵成案均由教育公所主辦新國家成立以來實行尊孔通飭

各縣凡已有文廟者增修未有文廟者建築康德二年三月縣公署

開全體會議公同議決另行建修文廟擇於縣街河北東山處現正

在籌備建築中

附錄孔廟四配十二哲暨兩廡先賢先儒位次

大成殿正位

至聖先師孔子

諱丘字仲尼魯人周敬王二十四年魯哀公諱曰尼父漢平帝元始元年追諡褒成宣尼公魏太和十六年改諡文聖尼父北周大象二年追封鄒國公隋文帝時贈先師尼父配享周公唐貞觀二年停祭周公

升孔子爲先聖十一年尊爲宣父永徽中改稱先師顯慶三年仍稱先聖乾封元年追贈太師周武氏天授元年尊封隆道公開元二十七年追諡文宣王宋大中祥符元年追諡玄聖文宣王五年避國諱改諡

至聖文宣王元武宗加號大成至聖文宣王明嘉靖九年去王號及大成文宣之稱定號至聖先師孔子

東配二位

復聖顏子

諱回字淵魯人漢高帝十二年配享唐貞觀三年詔稱先師總章元年贈太子少師大極元年贈太子太保開元二十七年贈兗公宋大中祥符二年封兗國公元至順元年加封兗國復聖公明嘉靖九年改稱復聖顏子

述聖曾子

諱參字子輿魯南武城人唐總章元年從祀贈太子少保太極元年贈太子太保開元二十七年贈鄒伯宋大中祥符二年封瑕邱侯政和元年封武城侯咸淳三年配享封鄒國公元至順元年加封鄒國宗聖公明嘉靖九年改稱

述聖曾子

西配二位

宗聖

子思

諱汲字子思孔子孫宋崇寧元年封沂水侯大觀二年從祀端平二年升列於十哲咸淳三年配享封沂國公元至順元年加封沂國述聖公明嘉靖九年改稱宗聖子思子

亞聖孟子

諱珂字子輿一字子車鄒人宋元豐六年封鄒國公立廟鄒縣七年配享元至順元年封鄒國亞聖公明嘉靖九年改稱亞聖孟子

東序六位

先賢閔子

諱損字子騫魯人唐開元八年從祀二十七年贈費侯宋大中祥符三年贈鄒瑯公咸淳三年封費公明嘉靖九年改稱先賢以下十二哲及東西兩廡均因明嘉靖九年改稱先賢先儒厥後升祀後祀增祀者並如嘉靖間改稱之例

先賢冉子

諱雍字仲弓魯人唐開元八年從祀二十七年贈薛侯宋大中祥符二年贈下邳公咸淳三年封薛侯

先賢端木子

諱賜字子貢衛人唐開元八年從祀贈黎侯宋大中祥符二年封黎陽公咸淳三年封黎公

先賢仲子

諱由字子路一字季路魯卞人唐開元八年從祀二十七年贈衛侯宋大中祥符二年封河內公咸淳三年封衛公

先賢卜子

諱商字子夏衛人檀弓疏魏人鄭康成曰溫國卜商唐貞觀二十一年從祀二十七年贈魏侯咸淳臨安志作衛侯宋大中祥符二年封河東公咸淳三年封魏國公

先賢有子

諱若字子若史記作子有魯人唐開元二十七年從祀贈下伯宋大中祥符二年封平陰侯清乾隆三年升列十哲

西序六位

先賢冉子

諱耕字伯牛魯人唐開元八年從祀二十七年贈鄆侯宋大中祥符二年封東平公咸淳三年封鄆公

先賢宰子

諱予字子我魯人唐開元八年從祀二十七年贈齊侯宋大中祥符二年封臨淄侯咸淳三年封齊公

先賢冉子

諱求字有魯人唐開元八年從祀二十七年贈徐侯宋大中祥符二年封彭城公咸淳三年封徐公

先賢言子

諱偃字子游吳人唐開元八年從祀二十七年贈吳侯宋大中祥符二年封丹陽公咸淳三年封吳公

先賢子

諱師字子張陳人唐開元二十七年從祀贈陳伯宋大中祥符二年封宛丘侯再封陳國公升十哲

先賢朱子

諱熹字子晦一字仲晦宋徽州婺源人諡曰文贈大中大夫寶謨閣直學士寶慶三年贈太師封信國公紹定三年改封徽國公淳祐元年從祀元至正二十二年改封齊國公明嘉靖九年改稱先儒崇禎十五年改稱先賢佔漢

唐諸儒上清康熙五十一年升列十二哲

東廡先賢四十位

先賢公

孫僑

字子產鄭大夫唐開元二十七年從祀明嘉靖九年改祀於鄉清光緒三十四年復祀稱先賢

先賢林放

字子邱魯人孔子門人唐開元二十七年從祀贈清河伯宋大中祥符二年封長山侯明嘉靖九年改祀於鄉雍正二十二年復祀稱爲先賢

先賢原憲

字子思宋人鄭康成作魯人唐開元二十七年從祀贈原伯宋大中祥符二年封任城侯

先賢

南宮适

家語作縉史記作括字敬叔魯人唐開元二十七年從祀贈鄭伯宋大中祥符二年封襲邱侯政和元年改封汝陽侯

先賢商瞿

字子木魯人唐開元二十七年從祀贈蒙伯宋大中祥符二年封涇昌侯

先賢

漆雕開

字子若魯人一作蔡人唐開元二十七年從祀贈滕伯宋大中祥符二年封平輿侯

先賢

司馬耕

字子牛宋人唐開元二十七年從祀贈向伯宋大中祥符二年封楚邱侯政和元年封睢陽侯

先賢梁鱣

或作鯉字叔魚齊人唐開元年二十七年從祀贈梁伯宋大中祥符二年封千乘侯

先賢冉孺

字子魯魯人唐開元二十七年從祀贈郈伯宋大中祥符二年封臨沂公

先賢伯虔

字子皙魯人唐開元二十七年從祀贈鄒伯宋大中祥符二年封沐陽侯

先賢冉季

字子產魯人唐開元二十七年從祀贈東平伯宋大中祥符二年封諸城侯

先賢

漆徒父

字子文魯人唐開元二十七年從祀贈湏句伯宋大中祥符二年封高苑侯

先賢

漆雕

哆

一作侈字子欽魯人唐開元二十七年從祀贈武城伯宋大中祥符二年封濮陽侯

先賢

公西

赤

字子華魯人唐開元二十七年從祀贈邵伯宋大中祥符二年封鉅野侯

先賢

任不

齊

字子選楚人唐開元二十七年從祀贈任城伯宋大中祥符二年封當陽侯

先賢

公良

孺

字子正陳人唐開元二十七年從祀贈東牟伯宋大中祥符二年封牟平侯

先賢

公肩

定

字子仲魯人唐開元二十七年從祀贈新田伯宋大觀四年封梁父侯

先賢

鄒單

字子家魯人唐開元二十七年從祀贈銅鞮伯宋大觀四年封聊城侯

先賢

罕父

黑

字子黑魯人唐開元二十七年從祀贈乘邱伯宋大觀四年封祁鄉侯

先賢

榮旗

家語作祁字子旗魯人唐開元二十七年從祀贈雩婁伯宋大中祥符二年封厭次侯

先賢

左人

郢

家語作左郢字子行魯人唐開元二十七年從祀贈臨淄伯宋大中祥符二年封南華侯

先賢

鄭國

字子徒魯人唐開元二十七年從祀宋大中祥符二年封胸山侯

先賢原亢

字子籍魯人唐開元二十七年從祀贈萊蕪伯宋大觀四年封樂平侯

先賢廉潔

字子庸衛人唐開元二十七年從祀封莒父伯家大中祥符二年封胙城侯

先賢仲會

字子期魯人唐開元二十七年從祀贈瑕邱伯宋大中祥符二年封博平侯

先賢

公西
與如

字子之史記家語作公西與魯人唐開元二十七年從祀贈重邱伯宋大中祥符二年封臨朐侯

先賢邽巽

字子歛魯人唐開元二十七年從祀贈平陸伯宋大中祥符二年封高堂侯後世追封濟陰侯

先賢陳亢

字子元一字子禽魯人唐開元二十七年從祀贈穎伯宋大中祥符二年封南頓侯

先賢琴張

字子開衛人唐開元二十七年從祀贈南陵伯宋大中祥符二年封頓邱伯政和元年改封平陽侯

先賢叔乘

字子車齊人唐開元二十七年從祀贈淳于伯宋大中祥符二年封博昌侯

先賢秦非

字子之魯人唐開元二十七年從祀贈沂陽伯宋大中祥符二年封華亭侯

先賢顏噲

字存正魯人唐開元二十七年從祀贈朱虛伯宋大中祥符二年封高唐侯

先賢顏何

字冉魯人唐開元二十七年從祀贈開陽伯宋大中祥符二年封堂邑侯明宏治元年罷祀清雍正二年復祀

先賢縣亶

字子象魯人清雍正二年增祀

先賢牧皮

黃帝臣力牧之後清雍正二年增祀

先賢克

樂正

字子敖魯人孟子弟子政和五年配享孟廟封利國侯清雍正二年從祀孔廟

先賢萬章

孟子弟子宋政和五年從祀孟廟封博興伯清雍正二年從祀孔廟

先賢頤

周敦

字茂叔宋道州人歷官虞部郎中知南康軍世稱濂溪先生諡曰元淳祐元年從封祀汝南伯元延祐三年封道國公明嘉靖改稱先賢

先賢程顥

字伯淳宋河南洛陽人登進士第累官太中元監察御史諡曰純淳祐元年從祀封河南伯元至順元年封豫國公明嘉靖九年改稱先儒崇禎十五年稱先賢

先賢邵雍

字堯夫宋范陽人後移河南自稱安樂先生嘉祐熙寧間大臣屢荐不起卒贈秘書省著作郎元佑元年諡康節咸淳三年從祀封新安伯明嘉靖九年改稱先儒崇禎十五年稱先賢

西廡先賢三十九位

先賢蘧瑗

字伯玉衛大夫唐開元二十七年從祀贈衛伯宋大中祥符二年封內黃侯明嘉靖九年改祀於鄉清雍正二年復祀稱先賢

先賢

澹臺字子羽武城人唐開元二十七年從祀贈江伯宋大中祥符二年封金鄉伯
滅明

先賢

不齊字子賤魯人唐開元二十七年從祀贈單伯宋大中祥符二年封單父侯

先賢

冶公長魯人唐開元二十七年從祀贈莒伯宋大中祥符二年封高密侯

先賢

公哀字季次家語作公皙克字季况魯人唐開元二十七年從祀贈鄉伯宋大中祥符二年封北海侯

先賢

高柴字子羔衛人唐開元二十七年從祀贈共伯宋大中祥符二年封共城侯

先賢

樊須字子遲魯人唐開元二十七年從祀贈樊伯宋大中祥符二年封益都侯

先賢

商澤字子秀魯人唐開元二十七年從祀贈睢陽伯宋大中祥符二年封鄒平侯

先賢

馬施字子期陳人唐開元二十七年從祀贈鄧伯宋大中祥符二年封東阿侯

先賢

顏辛字子柳魯人唐開元二十七年從祀贈蕭伯宋大中祥符二年封陽穀侯

先賢

曹卹字子循蔡人唐開元二十七年從祀贈豐伯一作曹伯宋大中祥符二年封上蔡侯

先賢公龍

字子石衛人鄭康成作楚人唐開元二十七年從祀封黃伯宋大中祥符二年封枝江侯

先賢秦商

字丕茲魯人唐開元二十七年從祀贈上洛伯宋大中祥符二年封馮翊侯

先賢顏高

字子精魯人唐開元二十七年從祀贈瑯琊伯宋大中祥符二年封雷澤侯

先賢騮赤

字子徒秦人唐開元二十七年從祀贈北徵伯宋大中祥符二年封上鄆侯

先賢石蜀

家語作石之蜀字子明秦之成紀人唐開元二十七年從祀贈石邑伯宋大中祥符二年封成紀侯

先賢夏首

一曰公子夏首字子乘家語作守魯人唐開元二十七年從祀贈元父伯宋大觀四年封鉅平侯

先賢后處

字子里齊人唐開元二十七年從祀贈營邱伯宋大觀四年封膠東侯

先賢容箴

字子哲魯人唐開元二十七年從祀贈下邳伯宋大中祥符二年封濟陽侯

先賢顏祖

字子鑲魯人唐開元二十七年從祀贈臨沂伯宋大觀四年封富陽侯

先賢井疆

字子界衛人唐開元二十七年從祀贈淇陽伯宋大中祥符二年封滏陽侯